

OMBEMBUA



"Nda wa kulihile ovina vi ku kokela ombembua!" (Luka 19:42). Poku vanja kolonele viosi, leci tu vanja eci ci kasi oku pita, tu limbuka okuti, voluali ka muli (ka mu kuete ombembua). Kolonele viosi ku yevalela lika ukuse, ovoyaki, oku li ponda kuenda ovita. Cosiño omunu a tanga ci tukula eci ci pita voluali o sanga ovina via kâla, havio via tîla, eci omanu va kasi oku linga, puâi cosi eci momo liekandu, lukuse kuenda onya. Omanu vanene voluali, va kua ku sokiya, pokati kanyamo alua, oku nena Ombembua voluali, lomue umosi wa ci pondola. Holualiko lika lu kasi vocitangi eci, ndaño muele volonjo vietu ka mu yevalela ombembua. Civîko vali konepa yaco, ceci okuti, cilo muele voluali muli omanu va lua, okuti vakuete ombembua vovilelembia viavo, kuenje apa opo pelkasi olumbombo luvî wosi.

MOMO NYE KA KU KASILILI OMBEMBUA?

Kefetikilo Suku wa lulika oluali, kuenda ovililo, loloneleho, loviti, kuenda

ovinyama viosi, nda vievi vi kasi vovava, nda vievi vi kasi kilu lieve. Suku wa lulika Adama la Eva, kuenda kovilulikilo viosi kua kala Ombembua. Adama la Eva ka va yokokelele ndaño ocinyama cimosi, kuenda lovinyama via kala pokati kavu lombembua lesanju; Omeme ya endela pamosi lohosi, kuenje ka yi lingile civî. Kuenda kilu liavio viosi, kua kala Ombembua pokati ka Suku lomunu, kuenda Suku wa li sanga sanga lovilulikilo viaye kakumbi oku iñila, kuenda wa endanda, kuenda wa vangola la Adama kuenda Eva. Ka vayokokelele Suku vovitima viavo kuenda va lavoka loku sanjukila olonjanja viosi oku iya kuaye, oco va kale ongongela laye.

Puâi Satana, unyali wombembua, wa iñila vonyoha kuenje wa yonja Adama la Eva, okuti va lueya (va kuata kekandu) kuenje loku iñila kuekandu voluali, Ombembua ya imuha. Satana, isia yuhemi, wa sapuila Adama la Eva, okuti ci tava oku lia kepako lina Suku a va ilikila “ava supuila hati kokaliko... eteke va liako vu fa.” Efetikilo 2:17). Satana wa va sapuila okuti ka vufi. (Efeso 3:4). Kuenda va tuwa nda Suku oku kulihia eci ciwa leci civî. (Efeso 3:5). Adama la Eva, paku sinila ondaka ya Suku, valia kepako lia va ilikilua (ka citava oku liako) ndomo eliapu lia va yonjele, kuenje va lueyela Suku. Vonjanja yaco muele, ombembua va kala layo otembo yosi ya va sia – Ombembua yosi luwa Suku a tungile “a kapele”, wa nyoliwa lelinga limosi liekandu, kuenje usumba wa iñila vutima wa Adama la Eva. Kekumbi liaco, eci Suku, ndocituwa cahe eya oku ñuale hela lovilulikilo viaye, oku li sanga lavo vali, va salama kuenda va kuata usumba oku kala kovaso a Suku. Suku lopo wa kovonga Adama Efetikilo 3:9 puâi (Adama) wa litavela esumuo liahe Efet. 3:10-12 wa lia kepako, lina Suku o lingile hati “ku kalieko... mekonda liomunu umosi ekandu lia iñila voluali.” (Roma 5:12). Mekonda liaco etu vosi tu kasi etaili tua piñala ukuasi owu wesumuo – ekandu, mekonda liaco tua pumba ulamba wa Suku. (Roma 3:23). Ocili ekandu li koka ekandu likuavo. (Osamo 42:7). Mekonda liavo oluali luosi lueyuka ekandu, oco mekonda liaco oluali ka lu kuete vali ombembua.

“Suku o yongola oku nena vali ombembua voluali.” Suku wa vanja tunde kilu kuenje wa mola ukuse wosi, usumba, ekandu kuenda esumuo, via kala voluali, kuenje omo liocisola cahe (Suku), wa tuma omolahe wongunga, heya oku citiwila vocililo, cusuke haico ci sule, oku nena komanu ukuasi wa piala wombembua. Unyamo kunyamo, (ko Natal) paku ivaluka Ucito wa Yesu, tu ivaluka Olondaka viungelo “Vimbo lia Daviti, muo citiwili etai li Onjovoli, Eye Cristu Nala... Haico kua moleha lungelo olohoka viovangelo vokilu, oku sivaya Suku vati: Kilu Ulamba ku Suku, Posi Ombembua, Komano va sunguluka.” (Luka 2:11,13,14). Yesu weya voluali lulo “Oku tuila ava va kasi voweleva, vulembo wo kufa; hâ ha songuila olomahî vietu vonjila yombembua.” (Luka 1:79). Paulu oku sonehela va Efeso 2:14, “hati... Eye Cristo Ombembua yetu.” Suku ocisola cahe ca lua lohenda, wa tuma voluali Soma yombembua, okuti nda omanu vovoloneke viahe va tavele

kombembua ya eciwila vu Yesu, nda va kala vali ciwa lesanju.

OMANU VA LINGA NYE LOMBEMBUA EYI ?

Ndeci Adama la Eva, va Yudeya kuenda va Helasi kotembo ya Yesu, va nola oku sinila Suku, loku kuama alungulo a Satana, oku likala Soma Yombembua. Eci Pilato a telekala kokuavo Yesu la Barraba, ovo va vilikiya: "... A tu tunde ū (Yesu), tu kutuluile Barraba! Kolondaka vikuavo nda vati: Soma Yombembua a tu tunde, tuihe (a Pilato) ukuse, ovita, olonjaya lekandu." Omanu ava va nola ovo muele, ha va kisikiwile oku linga ndomo: Kuenje lahuku va nola Barraba. Voloneke vilo tu kasi, haico ci kasi, Suku ukuakueca evelo, kuenje tu kuata Yesu Ndupopeli wetu kuenda Ndosoma yetu. Kuenda eye o nena ombembua vovimuenyo vietu, Eye hati: Ndu sili Ombembue, Ombembua yange ndu yihi; Siu yihi ndeci oluali lu yeca. (Yoano 14:27). Oku kala kuekandu vovimuenyo vietu, cu kua ku tu tuala ku pâla la Suku, kuenda vo ku kala kuetu va kuakandu ha tu tela oku kuata Ombembua vokuetu muele; haimo lumue Yesu olonjanja wa nyanyumuila ovoko aye loku talamela oku tu tiula vali, kuenda oku tu yelisa loşonde yahe yi kola, oku tu tambula vali vocunda cahe, okuti, tu linga vali omâla va Suku, ha tu tambula kokuaha ombembua.

Ko va Roma 5:1, tu tanga olondaka evi: "Ndomo tua yovoka lekolelo, tu kuete Ombembua la Suku, vu Yesu Cristu Ńala Yetu". Voluali lulo ka muli, ci tuiha Ombembua; nda ukuasi, nda ekemalo, ka vi yi tuiha, ka ci tava oku yi kuata "Ombembua" omo umue a kuete onduko yahe kelivulu liekongelo limue. Kuli lika onjila yimosi yoku tambula ombembua yovilelembia vietu, okuti, oku iya kua Ńala Yesu oku litavela kokuaha akandu etu, kuenda oku livela oku asiapo, momo "Eye ukuacili kuenda ukuesunga, lioku tu ecela akandu etu loku tupa aviho osi." (1 Yoano 1:9). Ombembua yi tu iha Yesu, Ombembua muele "momo yi pitahala olondunge viosi" (Filipoi 4:7).Ca tîla omanu oku lombolola Ombembua eyi, puâi vosi tu têla oku yi sieteka vovimuenyo vietu, nda tua likapela oku siapu oluali, leci ci kasi voluali, oku siapu ekandu kuenda akamba vakuakandu, oku tiuka ku Suku (vonduko) ya Ńala Yetu Yesu Cristu, U tua sesamela lika oku vumba kuenda oku sola. Mbi ci tava okuti ka tu kuete Ombembua "osimbu tu kasi vomuuyo ulo" puâi ka ci tava "Haciwako" okufaño ndoto, Ombembua lakamue. Momo "Usoma wa Suku hakuliako pamue okunyua, puâi esunga, kuenda Ombembua, kuenda esanju V'Espiritu Sandu." (Roma 14:17). Mekonda liaco, nda ka tu kuete Ombembua ya Suku vovitima vietu eci tufa, Ńala ka ka tu tambula vilu liombembua, kuenda esanju "Espiritu Sandu".

Nda ha tu tava Soma Yombembua vovimuenyo vietu, puâi tufa lakandu etu, tu kuete lika Ocitumalo cimosi, oco ondalú ka yi pui; ka yimi yovonjembo. Ove ku kafe loku kala kuove oku cilo, momo oku nyelelaño hû, kuenda ondaka ya Suku yiti (yi tu sapuila)... Owisi wohali yahe, wulonda

otembo yosi. (Esituluilo 14:11). Onjembo yendaño hû omo muenda ukuakakandu kuenda ivaluka okuti vosi tua kuata kekandu “Ka kuli ukuesunga ndaño umosi.” (Roma 3:10). Omo liaco nda oyongola oku enda kilu, kuli lika cimosi osesamela oku linga, oku kuata Ombembua vutima wove oco yi vialemo olumue. (Kolosai 13:15).

Kotembo yo Natal tu ivaloka oku iya kua Yesu voluali lulo, oku nenamo ombembua. Kotembo yo Paska tu ivaluka ndomo omanu Volikalala. Ekamba wa solwiwa, ove o kala umue puava va likala Nala? Ale o yula vutima wove okuti Yesu iñila vomuenyo wove? Oco, o sanga Ombembua ya Suku vutima wove, oku kekamela kovaso aye cilo muele, oku ulitavela okuti ove wu kuakandu, loku upinga okuti oku yelisila vosonde yahe yi ku iha Suku, okuti yi kala yove kaliye. Ndaño o lilete okuti o kasi ciwa hacimueko. Eci o sukila epopelo liocilembia cove; puâi nda o liyevite okuti uvi ca lua, ivaluka okuti epopelo liaco lopo o lisukila, kuenda Nala Yesu o vanja (oyongola) oku ku popela, kuenda ... lalimue eteke a ka ku inasi kosamua. (Yoano 6:37).

Nda handi kua la seteka Ombembua ya Suku vocilembia cove, yi tava cilo, kuenje o ka kala ciwa lesanju kuenda o yuka ulamba. Vonjango yimue yavakuandaka Yiwa, mua votoka ulume umue ukulu kuenje hati: Nansi kotembo yovosoma akuâlâ. Kusoma wa tete tua kala lika vuyaki, kuenje ya kala otembo yivî calua. Kusoma wa vali tua sangiwa lotembo yonjala ya lua, kuenja ca tu kisika oku takîla olomuku, owangu loviti. Kusoma wa tatu ovanyali vetu va tu yula, kuenje tua pitila poku kala olondingupange viavo. Kovava usoma usoma waco owu wa tatu tua pasuiwa losoma yimue, Osoma yimue yin ene, Osoma yimue yiwa, Osoma yombembua locisola Yesu Nala, wa sanga cilo Eyulo. Eye Ukua ku pondola oku kuata ovitima vietu, kuenje kaliye tu kasi lombembua, kuenda okulia, kuenda tu u lavoka ndopo okuti tu ka kala laye vilu. Ekamba liange wa solwiwa, eca cilo muele omuenyo wove ku Yesu. Cilo muele liweka (talama, tunda) vonjila yi lokila vongehena, “tiuka ku Suku yetu.” (Isaya 55:7). Kuenda vumba Soma Yolosoma, haeye Nala Yoloñala. Oku sulila “Ombembua ya Suku... yi viale vovitima viene.” (Va Kolosai 3:15).

O nosso Livro O Coração do Homem também está agora disponível em telefone celular, tablets, etc. de www.angp-hb.co.za ou como um aplicativo “Heart of Man” nos telefones celulares Android.

Para obter gratuitamente a literatura evangélica, livros e folhetos em mais de 540 línguas diferentes escreva para:

E-MAIL: info@angp.co.za

ALL NATIONS GOSPEL PUBLISHERS

P.O. Box 2191, PRETORIA, 0001, R.S.A.

(Missão de literatura Evangélica financiada por donativos)

(Reg. No. 1961/001798/08)